

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Atlas minor Gerardi Mercatoris**

**Mercator, Gerhard**

**Amsterodami, 1610**

De magnitudine imeperii Romani

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

## De magnitudine imperii Romani.

**I**Ria quondam fertur habuisse in votis B. Augustinus: *Videre Christum in carne, Apostolum Paulum concionantem, & Romam triumphantem.* Neque diffiteor, quin & ego tum ratione certa, tum maximi Viri exemplo trahar trium istarum retum cupiditate; non quod ad beatitudinem multum interfit habuisse ista, potuit enim habere Simon Magus; sed quod liberalis ingenii sit sensum optare eorum reum quas admiratur. Sed Romæ splendorem qui cogitat, hærebit sæpe dubius, quomodo ad tantum splendorem & decus erecta sit. Deo hoc omne adscribet, qui cogitat sacram ejus Providentiam, a qua Periodi sunt Imperiorum, & fixi rerum fines. Interea etiam humana virtute crevisse intelliget, quum ad Senatus constantiam oculos deflectet. Sed & vitiiis quibusdam crevisse judicabit, quum fraudes, injulitiam, crudelitatem, superstitionem videbit. Vide spatia ista terrarum, dices Orbem fere totum cultissimum fuisse hujus imperii rus. Specta ejusdem Imperii initium; dices cum *Ætolis scelere illud fundatum esse.* Nonne in ortu suo (verba sunt Minutii Felicis) *scelere & collecti & muniti immanitatis sua terrore creverunt? Nam ablo prima plebs congregata est: confluxerunt perditii, facinorosi, incesti, sicarii, proditores: Et ut ipse Romulus Imperator & Rector, populum suum facinore præcelleret, parricidium fecit. Hæc prima sunt auspicia religiose Civitatis: Mox alienas virgines jam desponsatas & nonnullas de matrimonio mulieribus sine more rapuit, violavit, illisit, & cum earum parentibus id est cum Soceris suis, bellum miscuit, propinquum sanguinem fudit. Quid irreligiosius? quid audacius? quid ipsa confidentia sceleris tutius? Jam finitimos agris pellere, Civitates proximas evertere cum Templis & altaribus, captos cogere, damnis alienis & suis sceleribus adulescere: Ita quicquid Romani tenes, colunt, possident, audacia præda est. Totius ergo Romanis impiatum, quoties triumphatum. Audi Lactantium. Nostri nullam aliam ad immortalitatem viam arbitrantur quam exercitus ducere, aliena vastare, urbes delere, Opida conscindere, liberos populos aut subicere servituti. Videlicet, quo plures homines adfluxerint, spoliaverint, eo se nobiliores & clariores putant. Audi denique Mithridatem Atque ut ipsi ferunt conditores suos Lupe uberibus alios, omnem illum populum scio laporum animos inexpleribiles sanguinis habere, atq; Imperii divitiarumque avidos ac jejunos. Hisce igitur artibus sub Regibus constituta Resp. est. Sub Consulibus, inter quos nonnunquam & Dictatores & Decemviri fuerunt usque trans Padum Italia occupata est: Africaque subacta Hispania accesserunt: Gallie & Britannia tributariæ factæ sunt: inde Illyrici, Istri, Liburni, Dalmatæ, domiti: Ad Achaiam transitum est: Macedones subacti, cum Dardanis, Mæsis & Thracibus bellatum, etiam ad Danubium usque perventum. In Asia expulso Antiocho primum pedem posuere. Mithridate victo Ponti Regnum occupatum, & Armenia minor quam idem tenuerat, armis obtenta est. In Mesopotamiam Romanus pervenit exercitus. Cum Parthis fœdus in initum. Judæa omnis victa, etiamque Cilicia & Syria. Sub Imperatoribus vero Cantabri, Asturesque sub jugum missi. Accesserunt Romano Orbi Alpes maritima, Alpes Cottia, Rhetia, Norica, Pannonia, Mæsia, & omnis ora Danubii Rheniq; Alexander*



